

الهدى

سنة ١٣٣٠

اتبعون اهدكم سبيل الرشاد

ديني، علمي، ادبي، سياسي هفته لق بمجموعة اسلاميه در

والله يهدي من يشاء الى صراط مستقيم

صاحب و مدير مسئول : ع . اشرف اديب

قسمندہ تبعات و نشریات ارشادکارانہ دہ بولندقلری کبی امر جہاد حقندہ دہ اجرای تعمیقات و تبعاتدن کیر و طور مامق و بوبابدہ دہ اخلاقہ برخیلی آثار کزیدہ برامق اولدقلرینی نظر شکران و منتله کوردم . بونلرک تدارک و مطالعہ سی اخوان دینک تزايد استفاده لرینہ و بومبجشدہ دہازیا دہ تنویر افکار و کفتار ایتلمرینہ مدار اولور ملاحظہ سی ذہنہ تبادر ایتدی . بناءً علیہ بونلرک مؤلفرلیہ برابر بروجہ زیر عرض اسامیسنی لازمه قدر شناسی اتخاذ ایلم :

۱ - (ترجمہ سیرکیر) ۱۳۳۸ دہ (آیدین) دہ وفات ایدن (خواجہ منیب) فندی طرفندن ترجمہ اولونان بو اثر عالی وجسیمک اکثر مندرجاتی فضائل جہاد ایلہ بوکاعائد مواد لازمہ دن باحث اولوب مطبوعدر .

۲ - (رسالہ فضائل جہاد) ۹۰۱ دہ استانبولہ وفات ایدن (خطیب زادہ محی الدین افندی) طرفندن مؤلفدر .

۳ - (رسالہ فضائل جہاد) ۹۲۰ دہ استانبولہ وفات ایدن (کیرمستیلی یوسف افندی) طرفندن مؤلفدر .

۴ - (رسالہ فضائل جہاد) ۱۰۲۶ دہ حجازدہ وفات ایدن (مناسترلی قاضی محمود افندی) طرفندن مؤلفدر .

۵ - (رسالہ فضائل جہاد) ۱۰۷۰ دہ مصر دہ وفات ایدن (قونوی نوح افندی) طرفندن مؤلفدر .

۶ - (مہمات الغازی فی میادین المغازی) آلائی مفتیسی (قیصریہ لی محمد فکری افندی) طرفندن مؤلف اولوب مطبوعدر .

۷ - (رسالہ فضائل جہاد) ۱۳۱۱ دہ استانبولہ وفات ایدن (کوموشخانہ لی) (حاجی احمد افندی) طرفندن مؤلف اولوب مطبوعدر .

۸ - (نیل الرشاد فی امر الجہاد) : ۱۱۵۶ دہ طریق حجدہ وفات ایدن (میرزازادہ سالم) افندی طرفندن مطبوعدر .

۹ - (فضائل جہاد) : ۱۰۰۸ دہ درسعادتہ وفات ایدن شاعر مشہور (عبدالباقی) افندی طرفندن ،

۱۰ - (رایات النصر والارشاد) : ۱۲۷۲ دہ کوستندیلہ وفات ایدن مفتی (محمد شمعی) افندی طرفندن ،

۱۱ - (سیف الجہاد فی نصر العباد) : ۱۳۱۸ دہ درسعادتہ وفات ایدن (ادرنہ) مفتیسی (محمد فوزی) افندی طرفندن ، مطبوعدر .

۱۲ - (عماد الجہاد - فضائل الجہاد) : (درویش علی بن مصطفای بوسنہ) وی طرفندن مؤلفدر .

۱۳ - (نہج الرشاد فی امر الجہاد) مفتی (احمد حنظلی) افندی طرفندن مطبوعدر .

۱۴ - (تشویقات الجیاد فی الغزو والجہاد) : ۱۱۳۰ دہ وفات ایدن (عبدالرزاق بن عبدالفتاح لادقی) طرفندن ،

۱۵ - (فضائل غزوا - مناقب جہاد) علی غالب بک طرفندن مطبوعدر .

بصیرتسزلکک بومرتبہ سی انسانی فلاکت اوچورومندن باشقہ بریرہ کوتورمز . قوللانیدینی واسطہ بی ، کچدیکی یولی ، قارشیسنہ چیقان آدمی طانیایان ، حتی طانیق لزومنی طویعیایان ؛ راست کان یولی طوتمقدہ ، راست کلن غایہ طوغرو یورومکدہ تردد ایتہین قیر سرداری قفالی برملت ایچون عاقبت خیرلی چیقسہیدی ، یا ککش برایش اولوردی .

محمد عاکف

فضائل جہاد حقندہ مؤلفات عثمانیہ

جہاد ، کہ تحقق وجوبندہ ہر مؤمن ایچون برامر معروفدر ؛ ونک فضائلی ہان ہر کسجہ اجمالاً معلوم حکمندہ در . انجق غزوات و شہادتہ متعلق عقائد مقدسہ نک تاثیر لادوتیسیلہ حائر شرف کرانہا اولان جہاد نہ کبی احوالہ فرض کفایہ و ہانکی خصوصاتدہ فرض عیندر ؛ سبب و حکمتی ندر ؛ استطاعت بدنہ و مالیہ مالک اولانلرہ امر ایلیکی وظائف اشتراکیہ ایلہ بوبابدہ کوس-تیریلہ جک اعتسای فداکارانہ نک تأمین ایدہ جکی محاسن و مٹوبات ندر عبارتدر ؛ بونلردن امتناع و تباعد و قوعی حالندہ تولد ایدہ جک تاثیرات و عقوبات ، نہ درجہ یہ قدر وارہ بیلیر ؛ آز چوق بو احکامہ تشمیل و قوف ایدلک الزمدر . آیات کریمہ ایلہ مدوح الہی واحادیث نبویہ ایلہ مظهر تجیل نامتہای اولان جہاد ؛ دین ، ناموس و وطن کبی روابط معززہ نک حفظ و تأییدینہ متعلق اولدینی ایچون اہل ایمانک او احکامی استکناہ و اکتساب ایتکدن قصر ہمت ایتسی اصلا روا کوریلہ مز . مسئلہ جہادہ دائر در میان ایدیلہ جک بر بحث ، ایراد اولنہ جق بر کلام لسان قدرت اولان آیات کریمہ فرقانیہ دن اقتباس فیض ایدلک و ناشر حکمت بولنان احادیث جلیلہ رسالت پناہیدن استنارہ اولنق صورتیلہ موضوع وظایہ سنک علوتی نسبتندہ مزین و مدلل اولور ایسہ مقصود اولان تاثیر بلینی حصولہ کایر . بونک خاصیت مؤثرہ سی الزیادہ ایراد نطق و خطابتہ تشریح مزایاسنہ کیریشلیدیکی وقت رونما اولور . سائر فروضات اسلامیہ کبی فرض جہاد حقندہ دہ او کرہ نلسی و جوب قوی درجہ سندہ بولنان معلومات و وظائف مشروعه نک نشر و تعمیمی نہ مرتبہ محسنات عالیہ بی داعی اولہ جنی وارستہ تصویردر . بناءً علیہ رجال علمیہ نک جواعدہ و عظ و نصیحت انسانندہ بومبجشدہ مندج احکام و دقایق قدسیہ بی قلوب مؤمنینہ نقش و القا ایدہ جک صورتدہ شرح و تبیین ایلمری ، ارہدہ صرہدہ اختلاس وقت ایلہ بوبابدہ تالیف انار ایلہ دہ تعمیم فوائد ایتلمری حقیقہ بروجیہ حمیت و دیانتدر . کرچہ حقوق دولہ حقوق و ایجابات حربہ دائر مباحث مہمہ موجود ایسہدہ ہر کسک بونلرہ تحصیل اطلاع ایتسی محال و مسئلہ نک مادی و معنوی اقسامی حقندہ کتب فقہیہ دہ و بعض رسالندہ مندرج ابحت و معلومات متنوعہ و وجائب دینہ و وطنیہ نک ادراک و احاطہ سنہ و ثمرات مبعجلہ سنک تأمین حصولنہ حقیلہ خادم اولہ جنی بر برہان ذی کالدر . خزائن آثار عثمانیہ دن مستفید اولدیغ صیرہ دہ مؤلفین عثمانیہ مزک علوم و فنونک ہر

و مطبوعات ستونلرنده ترکره قارشى الكغایطشوملر صاوورمقله اظهار کین ایدن مدنی آروپا ، بوکون صلیب نامنه ارتکاب ایدیلن هتک عرضلری ، قتل عاملری ، یغما و تخریبلری صموت و صبور ، لال و ابکم بالکنز تماشاییدیور و احتمالک بو فیجیهلری تماشادن؛ تیاتر و سخنلرنده معصوم محبوسینى وحشى حیوانلره پارچالانهرق ذوقیاب اولان قرون ماضیه انسانلری قدر اولسون ؛ برحس تأثر طویمیور ، طویه میور . بو فیجیهلری تلغین ایده جک قدر حسیات عالیله ایله متصف اولان بر قاج عالی وجداندن فوران ایدن صدای نفرین ایسه بالقانلیک داستان ظفرلری حقدنه موجه دار اعتلا اولان غاغله شاپاش آره سنده سونوب کیدیور .

بد بخت انسانیت ! سن یکرمنجی عصرده ؛ بیسکارجه معصوم چوجوقلرک ، طالعسز کنج قیزلرک ، هرمدیده اختیسلرلرک صیرتلان یوره کلی برسوری جلاد الله پارچه لانه سنه تحمل ایده جک ، نوحه معصومینى طویه میه جق ، شیطانلری اورکوتن جنایتلری آلقشلا یه جق بردرکه سفیله میه سقوط ایتمدیک ؟ .. انسانیت پرور آروپانک علوی وجداندلری زرده ؛ تا میسسلر ، تانلر ، فیغارولر ، دیلی میللر نیچون سکوت ایدیورلر . نیچون مظلوملری تحقیر ، ظالملری تجیل ایتمک درک سنه دوشیورلر .

عجبا ماتم زده معصوم برکتله انسانیه نک این واپسینلرنی ایشتمه . مک ایچون صماخ مرحمتلرنی صیم صیقی قابامقله وجدانی برتأثر اولسون حس ایتمیورلری ؛ مدنیت پیشداری اولدقلرنی اعلاندن فارغ اوله میان بومور (!) انسانلر انسال مستقبله نک حضور عدلنده نه قدر وضع بردرک یه سقوط ایتمدکلرنی دوشونه رک قیزارسونلر !

امان یارب ! مکر حرص ، منفعت کبی آلقاق حسسلر بشریتی هر تورلو مزایای نجییه دن صویه جق قدر بر قدرت سحاره کوستره . بیلیر ایمش !

مکر جهانه عدالت ، مساوات و اخوت اساسات عالیه سنی تعلیم ادعاسنده بولنان بر قسم مطبوعات ، پولتیقه جیلنگ پک سفیل احتراصلریله فضائل انسانیه و ایجابات اخلاقیه نی چیکنه یه جک قدر کوچوک کلکله نزل ایده بیلیرمش !

خایر ، خایر ، بز بر انسان اولق صفتیله بشریتک بو قدر ملوث چامورلره بولانه جغه قانع اوله میور و بوکا اینامق ایسته میورز . افسوس که وقوعات هر کونکی جلوه لریله بز بوعقیده مزى صارصیور ، قوتدن دوشوریور .

مع مافییه ینه بز محترص ، منفعت جو آروپا فوقنده حسیات نجییه ، فضائل بشریه ایله متحلی برده متفکر آروپا بولندیغه قناعت ایدیورز . ایشه بوقناعتدرکه بزه شو سطرلری یازدیوریور . بولاد قدر سرت ، صخور قدر بی حس اولان قلبلری بیله پارچه لایه جق شناعتلره مالامال برسلسله خونین تشکیل ایدن (سروز) فجایعی

۱۶ - (کوب المسعود فی کوبه الجنود) ۱۲۶۴ ده وفات ایدن صحافلر شیخی زاده (محمداسعد افندی) طرفندن مطبوعدر .

۱۷ - (دستور المجاهدین لغزالدین) فریقان کرام متقاعدلرندن قیصریه لی (مصطفی حامی پانا) طرفندن مطبوعدر .

۱۸ - (تخریض المجاهدین) فضلادن حانیله لی (احمد) افندی طرفندن .

۱۹ - (رساله جهاد کبیر) ۱۱۵۱ ده استانبولده وفات ایدن صاحب کتبخانه (جراه ولی الدین) افندی طرفندن .

۲۰ - (فضائل رمی) ابن روشن دیمکله مشهور شیخ (محمد خطیب) طرفندن .

۲۱ - (رساله ارشادیه - فضائل جهاد) مدحت پاشا و ابوری امامی (حاجی عبدالمجید حامد افندی) طرفندن .

۱۲ - (طریقه الجهاد) ۱۷۰۶ ده وطنی اولان (موره) نک (تب - استفه) شهرنده وفات ایدن (آتیه) مفتیسی (برتوی علی) افندی طرفندن .

۲۳ - (حکمة الغراء فی فضائل الغراء) (خواجه منیب افندی) طرفندن .

۲۴ - ترغیب المجاهدین الی نکایه اعداءالدین . [عصر مجید خانیده شیخی آلای باشی امام مصطفی عاصم بن محمد] .

بروسه لی محمد طاهر

سیروز فاجمه لری

مدنی آروپانک حتی چیکنه به رک میدانه چیقاردقلری بالقان بچلری یکرمنجی عصرده ولی نعمتلرینه ، نروئلری رحمه کتیرن ، شیطانلره بادی حجاب اولان قانلی لکلرله ملوث بر تاریخ ، بر تاریخ فیجیه نما عرض ایتمکله غالباً تحدیث نعمته چالیشیورلر .

مدینتک پرستشکاری ، انسانیتک حامی شفیقی ، ظلمک دشمن بی امانی اولدیغی هر آن ، هر وسیله ایله شرقیلره قارشى بر ضرور متعظمانه ایله اعلان ایدن آروپا ایسه بو غدار شقیلرک ملعون جنایتلرنی کورمامک ، ایشتمه مک ایسته یورمش کبی اونلرک عنید بر حامی شکیمه داری طوریله متصل شرقه یوکلنمک ، شرقی ازمک ، هلالک شعشعه بقیه سنی ده بوس بوتون سوندورمک عزم قطعینسنى کوسترییور . غربک کرسی پراحتشامدن شرقه درس مدنیت و یرمک خلیاسیله دمکذار اولان ، بزى جهل ایله ، باربارقله اتهام ایدن مدنی آروپا (!) نک ستره تمدین آلتنده نه کشف برغیظ تعصب بسله دیکنه صلیب نامنه آچیلان شو ملحمه خونین پک سوزشلی بروسیله تظاهر اولمشدر .

اوله یا ! درت کون اول روم ایلی ده - ینه بو قانلی شقیلرک تشویقیله - ظهور ایدن حادثه لری مسلمانلره عطف ایده رک بزى هر کون بر صورتله عنید وجبار برطور ایله تهدید و تضییق